

charitatem. Ipse humilitatis et paupertatis amator est: imitatores humiles ac paupes spiritu requirit. Hinc ad fidelem animam per prophetam dicit. In camino paupertatis elen- gi te. Et in euangelio ad discipulos. Beati inquit paupe- res spiritu: quoniam uestrum est regnum celorum. Non omnes beati sunt pauperes: sed illi duntaxat: qui in spiritu humilitatis et in animo contrito. spretis omnibus christum in intimis sequuntur: quibus veraciter dicere ad dominum possunt. Ecce nos reliquimus omnia: et sequuti sumus te. Hec autem gloria veris monachis conuenit: qui contempto seculo penitus student esse quod dicuntur. His profecto dominus promittit dicens. Amen dico vobis. omnis qui reliquerit domum aut parentes. fratres aut sorores et cetera que enumerat: centuplum accipiet: et vitam eternam possidebit. Enimvero quisquis pro dei amore omnes mundi vanitates contempserit: sed ad interne contemplationis dulcedinem contulerit: tantam in his spiritibus exercitijs suauitatem inueniet: ut in eius comparatione se nihil estimet dimisisse. Qui enim pro consequenda eterna vita carnis sue voluptates ardenti in deum animo contempserit: quod omnes mundi huius diuitias celestium desiderio inflammatus calcauerit: qui seipsum sibi abnegans alterius imperio propter deum usque in finem submiserit: habere centuplum sine dubio dignus erit. Enimvero postquam diuine contemplationis dulcedinem semel preceperit: nihil est quod eum deinceps a sancto proposito retrahere possit. Uiam trium dierum ex egipto per desertum ambulare scriptura nos admonet: quatenus ad montem sancte contemplationis gradatim uenientes: in tranquillitate mentis domino seruiamus. Sic enim exodus habet. Dominus deus hebreorum uocauit nos: ut eamus uiam trium dierum in solitudinem: et sacrificemus domino deo nostro: ne forte accidat nobis pestis aut gladius. His uerbis monastice conuersationis summa describitur: dum trium dierum iter peragendum indicat.

De tribus uotis substantialibus

monastice religionis quibus omnis religio innititur.

Cap. II.

A 17